

惜抱軒全集

冊六



線

847.4

755

25

v. 6

舊

籍

惜抱軒詩集目錄

桐城姚鼐姬傳

第一卷

古體五十六首

第二卷

古體六十二首

第三卷

古體四十首

第四卷

古體三十首

第五卷

古體二十六首

第六卷

今體七十九首



第七卷 五十五首

樂今體六十九首

第八卷 二十六首

樂今體八十六首

第九卷 三十首

樂今體一百十首

第十卷 四十首

樂今體九十三首

古體六十一首

第十一卷

古體五十六首

第十二卷

詩經傳集目錄

詩經傳集目錄



847.4
755
25
46

惜抱軒詩集一

四古體五十六首

錢舜舉蕭翼賺蘭亭圖

萬壑千巖當坐起
斷取越東山
百里世間不見永
和人長有春風流
曲水滄海日高開
寺樓樓上當
窗僧白頭越僧世
得鍾張法頭白朝朝
摹禊帖扣
門客坐軒檻風茶香
酒煖笑語同致君有
道堯舜
出訪古無人義獻空
頻說法書日西宴蕭
郎縮手
心無限老僧抵掌僧
雛睨似謂慢藏旁欲
諫語卿
且勿諫懷璧不可居
御史稱有詔明日將
登車長
安再拜陳玉除歐虞
俯首愧不如年往運
謝五百
餘錢生染筆中躄躄
石牀閑絕昭陵夜無
復人間
第一書中草頭人
巖茶半發
鉢瓶空
鉢鉢空
鉢鉢空

惜抱軒集詩一


日暮元日散牧晚歸圖
於晴下
絲絲
餘餘
英英
雨雨
對對
獨

惜抱軒集詩一

中華書局聚

101313395

國家圖書館



002447606

日落未落東臯黃搖風欲靜千絲楊榆莢雨後邨
塢涼澤中草長人微茫牛從雜逐老特將刺促或
走或羊望或掉尾立銜藏蓑牛背短箠二尺強握
坐者牧舟樹檣或來以笛吹其旁據牛橫坐如胡
牀後有蓬髮趨踉蹌前有招之右袂張首伏牛後
尻前昂二人蓑薜行驅羊掀笠偃背丫髻長其一
糾笠風中颺林木度盡橫陂塘前邨暝色寒蒼蒼
一人先俟牛宮旁遶宅榆柳青蒼簞老翁飽腹飯
黃梁出攜幼稚嬉徜徉少婦機杵鳴東廂人生正
可知農桑春夏耕牧秋築場不見臧穀羊皆亡嗟
哉此畫真吾鄉

山寺

寒蕭蕭真嶽南亭圖

四山動秋響高林黯將夕披雲度寒榛暮陰下前
壁寺門風蕭蕭飛葉滿巖積箐嶼暗深溪淙鳴出

穹石想見谷口外落日遠峯碧一磬流煙中萬壑
抱檐隙豈無湛冥人於茲衣蘿薜初月輝易盡悵
望遂停策

寒來偕一青仲郭應宿登城北小山至夜作
秋聲鴻澤滿暑氣蟲階謝攜客眺寒原居人斂餘
稼酒取脫枝溫席以柔莎藉餘照在單椒暝色生
林下泫露互天垂巨壑當巖瀉微風度灌吟澹月
流雲罅情集交悲歡生得幾清暇寧於蟪蛄春而
慕燕雀夏夏視後無虛鞭規前有戒駕懷哉古已遙
逝者今方乍勿歎平分秋更卜將來夜

秦皇春雨

日暮東風休掩卷幽窗靜颯然春雨來一室生微
冷時有棲鳥聲自令虛懷警

咏古

和璧非珠翠流光悅婦人章華宮畔路夫子欲何
陳客行漢江渚思見游女神蘋皋風日晚寧不怨
青春

秦皇服胡越六合歸懸衡雄心中不繼乃築女懷
清漢廷策賢良衰然儒董生慷慨公儀子食祿復
何營如何桑與孔賈豎充簪纓富民封丞相他日
悔心萌已衰不再盛痛惜此孤惻
鼓棹出大江迴首樅陽渡中有漢帝臺言是射蛟
處日夕天風吹青條變枯樹上有黃鳥吟下有寒
兔顧憶昔翠華游帆檣隔雲霧中流造新歌清音
發衆嬖巡游旣已疲神仙不可遇爲念祈招詩廣
心焉所務

循吏有兒寬乃以負租黜設吏爲繭絲何以責乾
沒念彼魏二臣屬厭風饋畢豈不愛吾君君懼以滋

遺失

高亭發秋吹廣野多邊聲誰和羌笛歌難爲愁士
聽昔應縣官募希有絕幕名奮隨兩校尉西詣車
師城夷虜衆且桀漢障懸孤旌創夷更登陴回首
涕縱橫累月鬻弩鎧援絕城遂傾將軍旣效命舊
卒皆凋零歸來室家盡門巷荆棘平昨聞漢天子
已拔單于庭微功不得錄委弃秋草并

贈郭昆甫煖助教

老儒閉門元向白牢邪石邪五鹿客寄生八盆爲
窶數衰盛人間如反手君才磊落天下奇四海賢
雋誰不知五年見子銅駝陌澹沲東風吹鬢絲朝
爲石鼓詩暮奏鹿鳴雅先生且臥鴻都下絳帳譚
經澹瀟灑嗟我水車旱資舟嗟君反衣狐白裘三
月春心寄鳴雁南來飛過岳陽樓

詩林 卷一 三 珍傲宋版印
尺春爲王琴德題湖漁舍圖卽送旋里

王郎昔居泖湖裏出戶觀漁並湖水王郎今作漁
舍圖紙上蘆菰北風起蘆花菰葉風蕭蕭煙深不
見垂虹橋水澤朝飛洞庭雨亭皋暮落吳江潮江
上漁邨帶寒蠟緩刺輕舟向平遠波靜鳴榔月上
遲日斜挂席風吹晚曉來網得淞江鱸尊有清酒
飯炊菰蘆簾紙閣夜颯颯風雨坐伴青鐙孤就中
隱約畫師意蒼茫一葉湖山次頗似蒲帆別岸初
迴頭恰見湖中寺只此丹青貌故山拂衣歸思向
雲間秋風夜火松陵驛惟有漁人認客還

感春雜詠八首

晨坐執書策惘焉思古人勳業建九州名德在一
身一身尚不治九州安能仁積水必成淵何患賤
且貧苟非秋實堅孰爲春木茁客來各有勸匪我

同心親不恤同心慤所感餘澤淪
新陽散餘沍和風汎窗櫺披褐藹自怡舉象難爲
名坐有素琴彈流韻方泠泠往復動心志終奏有
希聲其人五百年遇我一朝并神理不可滅道與
天地貞使我百世下無以移此情
夜聞子規啼朝看春已晚園天高九重誰令互激
轉北陸旣藏凌西宅復寅餞野草青更青衰盛吾
何辨

中谷多雨寒叢蘭蔽幽阻託身萬物表英華與誰
睹旣荷春陽氣柔芳冒寸土處有不自矜養節故
難侮雖無桃李蹊豈失松桂伍葆真復其根甘與
此終古
可憐夭桃花植彼玉階側旖旎揚柔枝上與綺窗
直美人出素手日攬芳菲色朝粧倭墮鬢暮作金

瓶飾采采枝已空何以成秋實
陽澤降時雨卉木初萋萋黃隕豈其時片葉飛吾
階昊天施大化榮悴理不齊胡爲日與人多寡較
毫釐聖舜乃惡父牧犢遂無妻順命苟無忤焉往
不得諧

昨日衆賓會送我臨漳河芳草碧如染春風吹作
波坐有兩少年鼓瑟而商歌一爲黃鵠曲令我涕
滂沱逸翮橫萬里儔離別多不如燕與雀啁啾
相鳴和

橘樹多好陰乃在湘江涯光風蕩朝日朱實榮綠
枝馨香旣遠達乃託白玉墀被遇主人盼賓客皆
嗟咨植根諒非舊爲枳復何悲

東王禹卿病中

羣舒山色如連雲萬里江濤蹙山動我昔結屋山

中居歔霧蒸雲日灑洞青蓑短棹放中流山壑貞
觀信天縱與君初未奉餘歡各對煙波一江共而
今俱作長安人林麓朝辭暮羈鞅論交塵土一茫
然迴首前游渺清夢生平素無諧俗韻轉喉棖觸
嫌譏諷雖非雛鼠隔雲泥忍爲蠻觸競庸衆君才
磊砢出千尋匠石如逢任梁棟雕鐫緣飾會成名
枉耽清吟如鳥喙只今病臥況兼旬朝夕鹽齏愁
屢空妻子牛衣色尚欣邑人狗監文誰誦燕山雲
物萬里清落葉秋聲一庭送高蓋誰過敝席門酒
徒爲具新芻甕愛君力疾劇清狂尚有瑰詞成酒
中跌宕寧非軼世才激昂頗負窮途慟從來烈士
志濟時一割鉛刀貴爲用不然脫屣去人間肯伏
光範稱鄉貢君懷奇興逸如鴻我逢有道慚非鳳
依違見事信爲遲責備時賢毋乃重何當去此脫

吾累卻因疾愈思當痛山光水態終不殊俗狀塵
容還自恐但須鹿門攜妻子休俟臨邛致騎從清
暉萬里兩幽人迴望塵埃真一閔

奉答朱竹君筠用前韻見贈

朱侯磊落抱奇懷相逢意氣劇飛動視我詩筆雜
一卷商榷古今真鑒洞前儒瑣屑被屏棄健筆凌
空出奇縱探玉荆山虎豹競織綃泉室鼇鼉共珍
奇海嶽悉駢羅累壓方艚與兼鞚況辱長篇持贈
余大鼎特陳吳壽夢坐覺古色盈座隅深夜秉燭
耽吟諷連年摘髭取科第射策彤庭語驚衆從古
豪傑先輦轂邇來冠蓋競高棟漿酒藿肉獨鄙夷
金奏宮縣羞吟呀首春上將西出師蟻穴初開天
宇空美君奏賦揚馬傳屬草文成萬人誦金閨頗
未掩豪雄長轡寧惟資縱送嗟余舊業本躬稼回

首寒山餘牖鑿欲鼠持璞真聽熒射虎臨石枉命
中平生思就季主卜清時焉用賈誼慟只今潦倒
愧君知爽也雕龍具非用憶昔譚子劉海峯與陳
伯思時余初隨計吏貢未及相如被放歸郊垆空
望觚稜鳳而今幸得比戶居晨夕相從荷倚重吾
生鬪塞棲遲感故人江漢飄零痛落落獨爲燕市
飲駸駸況對殘秋恐君方簪筆入承明努力拾遺
供侍從予將散髮入林深好聽評句泉石闕

王君病起有詩見和因復次韻贈之

我如惰農春未種已失農祥土土膏動室如懸磬待
遺秉大腹便便乃空洞由來人苦不自知未免心
侈還口縱君方銳敏有奇懷遠駕千古誰能共渥
注天馬或跼弛那遽柔心受持鞚高掌擘分二華
岳開胸吞納九雲夢何由菑歎獨嗜余不惜揄揚

雜諫諷心親料應塵埃稀迹奇反致嫌猜衆子輿
一病殊跼躄惟有擁衾看屋棟時余獨處復誰憐
喬木虛庭響寒呀蟋蟀俄驚旅舍秋蟬蟻頗惻幽
房空昨君新愈幸來過依舊雄談閱歌誦短袖百
尺光熊熊未出霜縑目先送千帆寒水下金陵一
雁秋聲橫鐵甕遠思暝浦落帆還苦怨騷人薄寒
中舊游曾對孫登嘯新詩欲作唐衢慟磊落君才
祇自知支離余德彌無用慚非大厦任幘幪恥作
小璣號游貢神全聊當比木雞德衰豈敢歌苞鳳
方今 聖德足兼包坐御共球湊居重南塞官房
萬福來北治匈奴一方痛有道未穀奚爲恥薄植
乘時反足恐雲霄未上且沈冥幅巾步履鴟夷從
明朝牆角見黃花泥酒相將一喧鬨

往與長沙郭昆甫游歷城西見小千佛寺菊

藍合花甚盛昨復過其處殘菊無幾寺僧亦亡是
里正時昆甫歿六年矣適竹君又次前韻來勉僕
題重爲學辭意甚美中頗念及昆甫並吾鄉孫汝
驚立昂余感其事因更答之
去年重九天氣佳城角黃花倚風動精廬偶與故
人來卻眺晴雲出烟洞竟填溝壑且無論自比雲
龍吐豪縱今年重九故人死濁酒盈尊強誰共蕭
蕭風雨動秋城席帽短驢時獨蹇晝陰荒寺更無
人臥地殘英杳如夢寒蟬哀雁共吟秋雖有新詩
向誰諷豈能復遇翰林知謂我才殊千百衆投詩
見和託幽思欲候雲旗柱爲棟居然雅樂發遺音
豈肯繁絃奏新呀中間陳義亦何堅列櫓巖城誰
穴空古聖垂教宏且遠六籍具存可說誦尚思時
述蛾子勤敢取謏聞禽犢送法言夷棄競靡詞如

退韶虞樂秦甕辨麗徒於博奕賢滑稽奚貴談言
中僕也幼志慕孔姬禮樂崩離每長慟博士書券
終自哈司空城旦成何用孤吟詎比郢中歌語人
真若遼東貢未如口吃子雲才賦罷甘泉胸吐鳳
看君少作已絕人草元行使桓譚重生世交游本
寥落況經車過感腹痛酒鑪從此邀君醉岐路久
已深余恐但望植學培根柢願捧珠盤譬牛從勿
搜奇險持驚人似向穴中爲鼠鬪益尊嚴翁共蕭
人來桃核研歌爲庶子葉書山先生賦備自火雲
丈人石研安得之蒼然古色凝寒姿開匣四坐盡
驚立踏手不敢爲摩持黯澹凸坳水痕漬鎮几礪
礪重不陂潤氣上結雲絲浮晴天怒翻墨花碎陰
厓江潭湛深黑大澤電光劃夜晦幽輝豈非玉質
蘊含芒況淬筆鋒利昔聞漢武靈臺夜獻桃遠致

會城駕餘核猶含茂陵思不獨銅人泣元霸或言
天上隕星精下入淵谷爲玉英千秋激激風波爭
至今尚作濤頭形曾爲趙宋宮中祕上有君謨作
題字御府流傳景祐藏夢華髻髻東京事宣和文
物太清樓艮岳奇山錦石稠九重博古親翰墨焉
知翫物非良謀北風塵冥青城路舊物飄零竟何
處清燕當時御至尊丹鉛此日供儒素橐筆朝成
奇木對屬車暮奏長楊賦文章猶壯身衰老金石
無情世今故龍溪流水萬竿竹無數秋山點紅樹
丈人雅意慕投簪他日煙霞墨池吐

天會讀史

古來江海人抗懷天下事閱歷多激情沈冥有餘
志賈生洛陽子梅福抱關吏流涕復上書言之豈
不義賢者與道隆儒林惡言肆願從君子游寡學

當默識

志賈詠史
昔與直劉詩林
惡言
昔子
我裏學
白日黯澹明河光
駢駢駟馬驅
王良萬廡天庫開
天倉北斗何爲挹
酒漿市樓炯照旗
亭張磊磊落錢
室金爲堂西園車
馬趨道旁
詔版朝裁授使者
明日司徒拜階下
後車駘鮑前
建旄擊鐘列鼎朱
門高室中何物灑
屑刀君不見夏王
初定九州貢茅
茨已遠蠙珠用
傾宮璇室後王多
筐篋司農愁屢
空一任臨民責
繭絲安知長國傾
梁棟匹縑持出
別宮門滿堂金玉
還飢凍方知洛誥
享多儀發粟
當年有餘痛

臨清雨夜

昔挂輕帆濟江澤
載酒同舟盡佳客
兩岸秋聲楓樹青
半夜月明江水白
飄零朋舊感平生
搖落關

河復今夕漳水東流汶水清寒雨孤篷百憂積

酬胡君業宏

我如游雲出廬霍千里飄飄向京洛黃山西畔初
別君溪流飲馬桃花落江南花落幾春風羈思漁
陽飛塞鴻今年乘舟玩海月片帆淮甸搖晴空西
尋廬阜彭蠡側拂袖千峯萬峯碧仙人一去白雲
秋明月無心照石壁遠公東林寺徐孺南昌宅寒
草蒼烟昏似積我對青天空太息丹楓十月凋南
州雨聲寒抱章江樓登高把酒忽相遇昔君頗料
如今不明月寒胎耀當代楚望沈淪媚幽彩人間
得失似浮雲且對江山吾輩在清詩一唱碧霄閒
五色餘霞散湖海湖海西風萬里吹酒闌明日各
天涯青山挂席余將去嗟爾塵埃玉樹姿

舟行望廬山

山西蘇少章登劍氣梁東林鼓鐘聲

我行昨出廬山西藤竹蒼蒼陰虎溪東林鐘聲晚
出寺高巖木葉秋平溪白雲萬疊倏然合窈眇迴
聽清猿嘯洪州三月憶惘惚徑駕歸艇輕於鷺宮
亭湖東日初出嵐彩欲見一片青煙迷滄洲水綠潏
萬餘里巖風忽落聞天雞屏風疊開張漫入青頗
黎滄海貫石梁白日挂丹梯松杉上接瀑布落藤
蘿下拂雲光低須臾湖波興日晦風淒淒岩壑香
鑪峯搖曳同菰稗舟行望遠勢還出矯如踏雲浮
動之蒼霓山搖海蕩不知處想見枕石醉臥人如
泥晚泊湖心照南斗仰視正與石門齊莫言靈境
近咫尺帆檣倏過難攀躋將游天地之一氣廬山
從我到處如提攜

漫詠三首

周道旣已敝儒術猶未淪暴君方代作孟子戒思

申得國容有之天下必以仁秦法本商鞅日以虜
使民竟能一四海詩書厝爲薪發難以剗除藉始
項與陳刀筆吏相漢法令惟所遵王霸雜用之叔
孫爲聖人盛衰益隆汙治道何由醇焉知百世後
不有甚於秦天道且日變民生彌苦辛所以佛法
來賢知皆委身超然思世外聞見同泯泯

立人通天地斯足爲大儒多聞闕其疑慎言而非
迂兩漢承學者章句一何拘硜硜誠小哉賢彼不
學徒奈何魏晉間放棄以恣踰醜然無汗顏誕說
作僞書子邕及士安同敝無賢愚淵彌雖未來人
心喪已夫不學殖將落周亂不斯須所以禁言僞
宜爲治君誅述茲誠當來慎以防厥初平陳英士
子長千古士被難身何窮悲哉百年後毀譽猶不
公孔子錄小雅怨誹君子風美善而刺惡史筆非

不忠文園爲令客竊資自臨邛將死勸封禪佞諛
以爲工文章兩司馬擅爲西漢雄人君取士節優
劣安得同如何永平詔抑揚恣其胸宜乎朝廷士
進者多容容所以歌五噫邈然逝梁鴻

秦帝卷衣曲

池水生青蒲枝葉自相扶水綠平如故池上蒲成
樹秦關百二氏王才麾劍風雲萬里來圖籍河西
收四郡旌旗鄴下宴三臺燕姬趙女顏如玉輦入
穀函貯金屋閣道春游度渭南珠簾暮卷臨灃曲
貴主還留鉅鹿名小腰絕愛鮮卑束去國嬋娟意
可憐新恩慰藉情難足別有春風飄綺羅華鐙斗
帳夜煙和君王欲卷衣裳贈一片流雲奈曉何雄
略英姿冠當代指麾日夕收江外戎國分居大荔
城降夷盡保長榆塞大度何嘗愧帝王驕心豈免

成傷敗卷衣空憶可憐宵月底花枝煙柳條婕妤
從招秦苑雁侍中曾插漢宮貂錦袍再賜無顏色
笑殺河東金步搖當年力戰壺關關雀來燕室誠
何益女戎亡國志先荒邨係南朝謝安石千秋編
簡載功名一朝富貴埋荆棘青蒲零落水東流不
見霓旌下枋頭碧雲散盡梧桐影太息阿房幾度

秋

畫香唐伯虎匡廬瀑布圖

江南萬重山匡廬乃出萬重上人人言秋晴萬里峨
嵒巔青天一點東南望連峯蒼蒼不見頂日出彩
煙生半嶺玉堂石室藏其中縱有天風吹不冷羣
巖環峙不可名巖端霞氣升空行石梁忽貫青霞
落倒海流雲走空壑萬谷鈞天廣樂鳴思鳥哀蟻
一時作石門百仞當空開吳越江帆千里來仰首

見吳越俯首聞風雷何人攜杖凌倒景蕭條六合
誰友哉林岑藤葛相撐拒驂鸞過處原無路世間
惟有銀河數派通濺珠飛玉流平處我昨乘小艇
正出宮亭湖湖心黯黹沈黛色夕陽一半開菰蒲
是時初冬水不落懸知崆峒巨壑轟千車傾崖曲
峭天長雨山鬼幽篁人見無咫尺未登疑有命評
畫看山定誰勝煙雲絕境自人間文采風流隔嘉
靖流落常年惜異才江山尺絹今殘剩人生衰老
來無時五嶽求仙莫辭復

雨霽

高齋過暑雨白雲逝滄洲涼風起林杪一葉已先
秋落照耿空開倏與蒼煙收西山轉斜漢龍角相
隨流朝晡不相知逝者焉能留今之隱凡者未審
當奚遊

田家門山

昨宵雨未足，劇畦俟南塘。果聞北山雷，檐溜夜已長。
長開門陰正，重匝地垂千。楊朝日尚未升，風條自輕颺。
環村水盡白，丹杏獨含光。荷鍤向隴上，但聞土膏香。
鄰里盡言好，吾欲良亦償。勤劬待一飽，四體誠安康。
相與不相負，莫若種稻梁。

詠七國

孔道窮獲麟，風雅泯無正。蚩蚩六國主，蟲豸力爭競。
函關向東啓，四海一朝定。銅柱紉燕謀，天奚愛秦政。
屈子放湘流，信陵罷稱病。傷哉鄭國渠，延韓數年命。
當時天下士，寧蹈東海壘。松柏與房陵，哀歌不堪聽。

林大寄友

一室聞秋雁，倏有江海思。空水澹寒天，遙待孤帆

至念君朝未來誰當共吾逝相望隔清溪西風滿
林次齊文

不出獨山湖至江口作

初日澄前陂餘陰澹巖曲清流杳終古宛此媚幽
獨煙消淨衰草風來振疏木移舟度雲影停橈玩
空淥理昧後人踪興與前游屬託世楚雲裏孤懷
亮自足

連日清齋寫佛經偶作數句

結髮慕勝因而復役人事秋空沂江水勝地雲帆
至煙際東林鐘月出山谷寺暖鳥諸天外中宵倚
寒被劣觀清靜理一寓情賞寄遺物非安排取境
即塵累雪餘冬日美門掩衰草翠清夢觸舊想即
目遇新義聊披貝葉書終與忘文字

過天門山

鼓楫凌驚波連山缺東隅飄颻天門上千里見全
吳鍾阜何盤盤列城帶江湖風高黃雲動日落青
天孤不見見昭明宮羅綺爲榛蕪艸白風蕭蕭枯樹
上啼鳥所以豪傑士竹帛奮良圖良圖亦焉在樹
立才須臾悲風與流水萬古一歸墟不如和叩舷
高歌稱釣徒

送演綸歸里

西風吹海月萬里散銀山
裴裒清夜席照君如玉
顏玉顏願長保日月逝不閒
如何言別遽不念相逢艱
金尊斟綠醅爲唱古陽關
男兒非藤木安得相附攀
君有江上宅青山繞如環
朝望江雲起暮入江雲間
雲開江路盡山月照君還

送子穎之淮南

憶昔去家三千里未有交游託燕市
當時獨聞劉

海峯每把清尊說吾子尊府多年為貴臣君才氣
更凌青雲會稽禹穴華嶽頂胸中萬里千嶙峋歸
來風月澹襟抱勢去金貂非等倫君愛朋交重圭
璧不恤家空徒四壁壯士論心天地間往往狂歌
同落魄去君遠下滄江煙醉臥白雲天上船西風
落葉東流水橋首南鴻思北燕新知強對傷懷抱
未若平生故交好海峯老隔黃山雲見子依然薊
門道雄才應勒萬里勳收身豈厭五湖島但願為
龍我作雲對子玉顏長不老千里淮南雲水昏幾
人流落落憐王孫平生志意詎如此離緒茫茫何可

論

萬柳堂分韻得房字

驅車轢草越敗牆高柳萬數餘兩行同來十客弔
荒圃自昔幾輩升此堂相公退直紫微省詞客盡

會平泉莊外張綠雲作帷幕中吹白雪調竽簧尚
餘宋桷挂蛛網已無戶牖開蜂房脫輻當門掃塵
席舉案置地斟虛觴平生眩視魯郊饗日思埋迹
蟻邱漿治世羣才美可用放言吾志嘻其荒已知
堯桀未須辨焉明凡楚今誰亡默對荒陂夕陽盡
獨憶秋風江水長僕夫促駕各歸去回首陳迹煙
蒼蒼

步登泊聊城

高柳汶川颺落日聊城煙元雲翳明月忽墮孤舟
前衆星稍磊落空水正回旋眇思燕將守辨說下
魯連達士貴逃名奚以解紛傳一朝辭世網泯迹
東海邊高臺今突兀空枕汶陽田

南旺湖

一花開湖尾千楊映綠潯孤霞照幽步春風蕩遠

陰鱗鱗渚雲合森森平湖深不知水影外猶受天
光侵游目極東隅頗聞岱西岑石樓瞰海日礪戶
窺花林春巖滴幽竇艸木蒙清音雲峯不可見高
原誰爲尋時有漁帆逝遠接鷗鳥沈蒼烟忽暝色
惆望空勞心

蜀山湖

步登高阜巔一眺衆川會崩騰壓雲下瀆薄吹地
隘南旺夾雙鏡清汶劃橫帶當空晝日陰將雨天
風大連瀾將我心超越長天外廣宇靜蕭條歸鴻
忽流瀨卷石屹沈溶明波被翳蒼頗似團亭游中
逗孤山礙據地乃偏遐瀕江富縱檜寓目偶爲佳
風景誰當最吾行未可留登艫遄擊汰

邳州黃山

下邳有老父來登下邳橋遺身濁世外六合皆蕭

條偶傳太公書聊以定紛淆卷舒出形迹可遇不
可招寄語張孺子起佐興王朝一身尚爲石功名
何足驕我來秋草歇南渡黃河潮大風起泗上白
雲莽蕭蕭英雄盡泯滅仙蹟空岵峩

題沈學子步履尋幽圖

君昔依山居孤懷眇高寄步履逐泉聲因風造幽
地一逕獨流煙千山共成翠空巖太古花不與松
柏異閉絕未成蹊焉知有開墜自與深山辭餘嵐
在衣被夢渡泖湖陂圖成廣陵市萬壑動春雲爲
君渡江至余亦泉石人因之悵遙思

贈沈方穀

昨掛雲帆來黃河流浩浩遙天沃日滄海波長風
送客淮南道不見隋朝之宮殿但見隋堤之芳草
蕪城蕭索無可歡卻遇故人情獨好真珠滴酒斟

金栳櫻筍玉截珊瑚堆脫冠把袂相徘徊夜深星
斗滿空落仰見孤鶴橫江來身後名生前酒二者
於吾並何有嘗願登臨九子峯又思放浪五湖口
難得人生一日間况值相知十年久看君鸞鳳才
標孤秋風吹翼升天都難策言堪詘丞相作賦才
寧非大夫豫章杞梓雲霄上豈與人間伴社樗楚
雨才晴京口樹上有流雲不知處君望西南千萬
峯我棹漁舟從此去

遇劉樸夫

坐逢春已晚留滯揚州郭獨立望寒潮江空夏雲
作雲中忽見君來帆廣陵落自攜蘭陵酒殷勤爲
余酌新詩別更奇玉貌看猶昨白雨灑開軒紅燈
照垂幕非賴此流連何能忘蕭索

與侍潞川鄭楓人集不其山房分韻得希字

江郭晴朝雨煙草滋掩扉紅藥坐成晚青山仍未
歸高齋方置酒良會遽披衣垂簾石蘚長拂硯風
花飛業承愛微劣敢言知貴希所慙乏文藻況念
歇芳菲終反羣舒路相望林岫微

平仄 與王禹卿泛舟至平山堂卽送其之臨安府
往年與子游揚州紅蕖盡落陂塘秋秋風吹江上
海月照見蒼煙吹笛之孤舟形骸放浪各無累釣
竿只欲垂滄洲君後文辭動

天子起家簪筆
承明裏我復逢君向鳳城對把清尊思故里春日
辭君返鄉縣江草江荅不相見何意昨宵明月來
重照揚州故人面一麾出守未須嫌且泛江南水
如練江南水暖揚州城亭閣半空絃管聲垂楊一
棹千絲輕船窗玉面歌童出捧手迎君如有情錦
帆畫舸競朝渡翠袖紅妝看晚明松風吹入棲靈

寺一片斜陽渡江至江雲葉葉向南飛繞遍吳山
萬重翠青山雖好不留君爲念來朝復愁思愁思
迢迢送別離勸君努力向天涯鳳凰須下滇南郡
處士虛聲何足奇

贈侍潞川

走昔少年時志尚在狂狷希闊古詰人奮學乃所
願北渡超大河遇子燕山甸謂我如草木臭味吾
同薦步步登昭王臺滹沱蕩南面塞上來驚風白日
色俱變慷慨和悲歌流俗頗笑訕從此別春明三
年乃一見相見復奔馳豈不傷貧賤今年訪子居
淮堤綠楊徧紅鐙照故人洗醖復相勸誰言壯士
懷不如兒女戀感舊默傷懷日月幾賓錢借問此
何時夏屋飛乳燕嗟吾倦遠遊明朝返鄉縣身世
如萍波茫茫孰先辨惟慙志業衰如何答深眷

雨行白沙嶺至昆山沖遂宿

覽物長松杪春谷正
蔥芊北望雙闕門
硤石何蒼然寒雨從中來
白雲鬱鉤連山鳥排空鳴
四嶺下飛泉林崖倏開闔
磴嶂窈回旋稍稍出孤邨
盤盤下蒼煙霽樹遠禽歸
溼陰小桃妍俯仰羣花間
何時不推遷真賞存物表
了遇空山前鐙窗響松澗
此意欲誰傳

出意始精新

却不嫌其真賞存於中一處空山前幾箇書卷

不蒼翠畫樹處禽語三四聲小將飛語向羣芳問問

飛泉林壑初開闔登臺後回窺俯俯出風林翠巖

蒸寒雨從中來白雲變險巖山島將空廓四處不

覺妙是林林春谷玉五蕙芊芊空望雙闕門如不可向蒼

雨竹白少巖至玉崑山峽峽



惜抱軒詩集

古體六十二首

宰封送侍潞川主德州書院用前歲在揚州留別

天駟韻

一枝鷦鷯巢高蹈許由狷士生各有志齊心孰同
願美君君騏驥才掉鞅淮南甸策名白牒中早與南
宮薦家託管絃城青樓列玉面百里雉未馴行用
陽春變而君獨何苦遠走妻孥訕任公釣會稽豈
作井鼃見已信黔婁富寧有陳平賤嗟我游孤踪
南北舟車徧索米饑八尺攜賦羞百勸賴君每見
阿欲忘鄉閭戀如何燕市酒更作郵亭錢經譚東
魯麟曲唱西飛燕諸侯重上賓六籍傳下縣清廟
奏升歌待君調駕辯小別近郊門踟躕應回眷
東張樞亭庶子

我愛嵇中散讀書想介狷濁酒彈素琴了畢平生
願孤生託江淮垂纓入王甸匹若菁茅微偶與芹
菹薦生世湘中帆曲折衡九面可憐牛馬走走閱
魚龍變渾沌中央死巒壑北山訕空館復何有皓
月相邀見九衢金鑰開萬樹銀花賤不及輕薄兒
珠樓聽歌徧知君亦寥寂座乏尊壘勸惟應好兄
弟短檠猶堪戀金匱紀神功大蒙入寅錢柱石佐
休明厦成紛紛賀燕丰采天下思奚論同鄉縣豈如
一曲士聊游六氣辨未稱入金門青山結遙眷

次檀亭韻寄張安履曾份

天運自密移至道無遷改小夫每自私乘物以智
宰往來撓世紛茫如汎瀛海焉知鷄居德衆萬納
淵匯寧憂聾五聲而目盲五采君如懸棟材起負
高蔓嵬我如小莖柔叩鐘爰欲怠二者同物役聵

勉赴褒采昨日東風休夏綠謝春蕾豈不感啼鵲
鄉思寄江蒞茲意恐亦非韋布驕錦綵不若兩俱
忘養空復何待

送鄭義民仔郎中守永州

至德交萬物賢否各有宜譬彼蕙與艾同被春風
滋鄙人出孤陋小若鷺燕知託君通家愛謂我相
逢遲大賢何不容而我竊自私造請百不厭童僕
或旁嗤雨窗黯青鐙聽君絕妙辭清韻倏邈遠南
行指湘灘遠近何足言跬步有離思儀郎古清要
位望今已衰出守千里疆豈復嫌一麾歸家酌玉
尊綠窗櫻桃枝起掛衡嶽帆天碧劔九疑曙日清
崖猿渚風搖江籬一聞漁父唱再繼柳侯詩臥理
丹橘間民言不忍欺公行良自得何以慰余羈風

紫藤花下醉歌用竹垞原韻

紫藤書屋古椽撩紫藤春花復秋槁紫藤架底著
書人吟魂冢閑縈青草過從飲酒雕龍客百歲風
鐙迹都掃由來歷世猶駒隙安得長生服龜腦況
余本性杞柳直戕賊彎回成栲栳朝走黃塵暮歸
坐便覺明鐙賢晝杲今日攜行差快意佳士花陰
共懷抱虬龍兩幹擎空立瓔珞萬條垂地倒晚春
蜂蝶惜來遲夕照尊罍歸厭厭早賞花京洛稀常遇
吹鬢東風易先老承恩自昔如竹垞抵巇一日辭
瓊島男兒恨不早歸去脫粟可餐衣布襖鄙人欲
作雞棲桀多士自欣魚在藻乘舸春水向江湖迴
首花前幾人好

趙北口舟中作

鳴蛩灤岸秋殘月趙水白捨轡理輕橈蒼茫盡湖
澤葭菼遠蕭蕭鳧雁時拍拍地有瓦橋城路失金

隄石民昨歌子威皇今謂河伯不見見秋歸壑那免
春無麥坐愧田居懷未辦經世策想見滄洲人煙
波值咫尺

景州開福寺塔俗云景州塔爲天下塔王

百里見卓錫震日仰雄最叩門謁香臺據地乃非
大削立外無階穿空中不礙矯立長風巔萬里散
秋籟天地莽相圍白日轉檐外太行青嶂斷煙霧
積幽藹漳汶與滹沱流空忽交會帆檣趨溟渤鴻
雁下吳會回首送秋雲蕭蕭出燕塞緬思開皇年
建造盛幢蓋移國女寵階貽家適宗廢福田安得
長遺跡歸猶在嗟余塵鞅倦聊駐絕景對落景下
層梯茫茫廣川晦

其中德州浮橋

運河繞齊魯勢若張大弓隄中抱泰嶽兩簫垂向

東德州倚河壩南北適要衝帆檣遶其外車馬出
其中浮橋與流水午貫相橫縱嗟我游中原來往
如飛鴻弱冠一川水屢照將成翁大澤涌飄雲滄
海起飛龍鼓蕩漳汶氣日觀交鴻濛落葉下河隄
飛雨來淙淙觀河吾眼在憑檻望秋風

九月八日登千佛山頂

泰山出青雲天半蒼然獨梁宋暨東溟萬里環其
足陰嶂走濟南雲濤尚奔蹙勢盡尻益高塹斷無
陂麓振衣斗直上陟磴逾援木落葉下灤泉秋風
散海曲一卷華不注拖雲點青綠猶見山花開顧
絕棲鳥躅高寒不可留歸來泛秋菊

大明湖夜

南山已暝色回見明湖光秋盡濟南郭渺然江水
長中流上新月輕舸復徜徉烟昏鷗鷺宿波沈蘆

荻蒼孤往仍中夜回
颺城曲涼亭楸高拂霧寺棘
下零霜佛幢猶立魏名士
正思唐安知後游者聲
迹永相望

從千佛寺回過沟突泉暮飲張氏園
濟南城南山正橫人言山前舜所耕崩榛衰艸蔽
秋色古井深崖餘昔清曉入南山僧住院爲訪北
宋人題名初陽穿入洞窈曲佛龕鑿破山崢嶸大
明湖動水雲白華不注抽煙霧青惘然憑欄忽歎
惜古人不與余同生南尋日觀諒未可回念灤源
重一經流穿山骨軸中出人遶漢魁輪外行誰言
渴馬半崖水解作黃牛三峽聲顯晦動靜一致耳
惜哉枉使羣兒驚敗荷衰柳下零亂夕陽逝雁高
青冥卻入荒園洗盞坐旁有小泉時復鳴

京湖白河

其北萬山立其南

京師如倚屏其北萬山立往往塞外水南穿塞垣
入旋衰才沒蹀驟盛懷原隰未出軍都障斂若衣
在拾汗漫順義西每當驟雨及橋梁旣突壞猝又
無舟楫

聖人歲北巡虎旅萬羣集灌漲夏秋交吏以供張
急治道草露間隱慮事不給六飛竟安驅神靈信
懷輯我來辰角見征衣不挾笠明當迎 翠華夜
渡漲沙溼彌知近塞寒霜風凌袴褶

送張樞亭少詹爲晉陽書院山長兼寄朱石
君方伯東坡在密州除夕詩云龍鐘三十九
勞生已強半鼯與少詹方伯皆辛亥歲生今
三十九矣故用其韻

吾生如尺捶焉勝日取半少壯曾幾時撫節能無
歎昔年十八九里舍共嬉玩見君升明堂瑤壁薦

角散鄙才何所中強逐冠蓋伴賢愚別驥駑征邁
同昏日凋年感新曆短檠熒舊案坐閱燕郊晚行
想淮流亂懿君清素懷室闕奉匱監聯居幸時近
呻吟聞鄭緩倏遭浮雲翳孰辯清濟貫余才從俗
客署尾豈非懦孤懷復送君冷若冰中炭郊環如
可待休踰燕昭館運會有屈伸賓餞易寒暖離別
不可數垂領影行粲

代并控朔漠連峯矗天半形勝擁晉陽英傑昔稱
歎碧玉唐叔祠春陂足流玩俯仰一古今摘筆朱
霞散誰爲賢主人十載承明伴方伯氣俊爽清風
發平日孰言揚馬才治乃任牘案淮陽一臥臨渤
海何憂亂垂澤已如膏虛手真若盥君往風景地
流連帶共緩頓使庸俗目驚見兩密貫誕生同一
歲少長惟余懦窮冬方兀坐雪窗聊撥炭想君越

井陘稅居行授館敷文列士興吹律窮谷暖離立
不可參曷由發笑粲谷日滿民兩意實與土同一

安肅道中

簷聲三夜滴牀頭海日三朝照衣領風清每快行
人意泥滑仍爲車轍梗南行常遶西山麓青銅新
沐煙鬟影出岫溼雲行自媚蔽野綠陰寒且靜高
禾連壠出芒槊行潦逾道跳蛙黽更有水田白鷺
飛便如長夏江南境少年燕趙苦行役十七年間
一俄頃故人黃土寧復見古道荒煙聊自省竹輿
夢斷一蕭疏高木嘶蟬掛殘影甲戌往王端木楷
太守署所經此今十七年矣

獲嘉渡河

河北山形壓天半左挾軍都東海岸雲騰風掣到
河陽二千里餘青一斷我來經過衛州西雲巘迴

頭百回看竹林亭立明玕清原泉飛下珍珠散想
見幽人尚考盤安得同歸脫鞵絆北風忽出白溼
口吹渡秋河百川灌山川聊供中流喜舟車顧有
知津歎西南廣武數峯來屈指英雄幾更換不
容

許州

初秋過潁上草木尚蒼然午日澹平野極望空無
烟亂蟬相繼響獨樹垂陰圓舊渠八九廢許下猶
良田如何文潞公種竹纔嫵媚行受使相寄不見
車蓋旋荒園今亦盡渙水長涓涓

西平

明月鄆城頭汝水下瀲灩五更楊柳底渡艇聞魚
噉水南人未起行行一鐙閃鐙盡天轉黑數星澹
可覘冥行不知處高下似原塹此間入蔡師吾心
爲一念館人邀我入酒幟曉挂店適己具晨炊行

早食定欠旁見婦孺喜今年秋禾贍軍罷驛傳稀
民吏安眠暫吾寧作典農差愈棠谿劍
已盡韓鄭郊始入青山路積雨曉未開前嶂隱忽
露風林上蕭疏谿水下奔注傳聞元和初於茲畔
藩戍地險九州分天子一朝怒上相歌采薇嚴軍
入懸瓠千營盡凱歌三州始內附豈罄作輔材差
免輿尸誤當事始知難斯人豈常遇沈沒不可論
寒陂下飛鷺

渡淮

朝日出復陰廣野風浩浩淮源山萬重飛流下穹
昊渺然走滄溟梁楚在襟抱汝潁交東環穰鄧控
西道秋水欲歸壑憑渡馬腹燥橋首相柏陰展坐
淮南艸隧岸鳴蛩蜩村簷挂梨棗風土近鄉里問

語向耆老西成未爲惡苦被飛蝗惱連邨撲未盡
何以實萬寶長嘯招西風害氣一吹掃

應山至孝感道中

山光異遠近閒若重樓花行人度高下起落波中
槎足跡未辨鄖隨國半生左史窺浮夸義陽關南
出鳥道縱觀蒼壁激朝霞野田茅屋秋未冷高藤
翠木樛相加千峯南盡出江面一鳥東可投吾家
上游勢已據荆郢左肱屈更招蘄巴胸吞雲夢不
芥蒂囊括漢國無離孤宜有奇才表荆楚不然深
谷逃麀麀惜哉我行不得遇翩翩且逐投林雅

寄仲孚應宿

曰余性質啞諧物無言詞游宦二十載殊乏新相
知依依鄉閭愛握手自卯羈臭味若椒苴非是孰
爲思今年覽雲夢飄颻來沙羨江漢一以會秋水

浮天垂廣川起孤望日落吹參差憶昔各年少共
戲激江湄青天澹秋色帆舉風颼颼海月萬里上
屬酒酬清詩歡樂去不復青鬢將成絲萬事無不
改風景長如斯拂衣便可去潛霍吾前期

登黃鶴樓次補山韻

夷陵西望巴山連大江出空如墮懸奔流一抔蹙
滄海大別黃鵠橫障天導江至此一夾束滌泗衣
帶高樓前憶昔赤烏始築邑憑軒雷鼓空江填此
間開勢自明遠釣臺樊口誰能賢一朝金雁瘞吳
郡何殊纒帳臨漳川高樓千載幾興復傳芭士女
徒哀憐因山命名義自當俗說詎可丹青傳虞翻
地下應大笑孰逢黃鶴騎飛仙我聞譙郡戴仲若
往往野服從斂畋仙人毋乃卽此是惜哉林壑空
蒼烟農部腹中有武庫瘴鄉幕府嘗周旋窠入深

穴縛虎子欲效左手如羊牽正當千里縱黃鵠豈
將一渚從棲鳶嗟余年往道亦廢顧思暇豫偷安
便陪君欲鼓瀟湘柁湖南未到秋雲邊漢口暮見
樓雉影江風曉踏蛟龍涎晴空孑孑上反宇天幕
澹澹垂重淵無心坐見白雲滅屹立惟有蒼山堅
人間萬事不須說跂足當樓聊醉眠

雨登岳陽樓

衡疑阻南服江漢朝東溟巴陵山澤會烟雨長晦
冥風交廣漠野雲起盪天經荒忽洞一氣焉揚帝
子靈坐銷積霧白稍見君山青波下辰陽渚秋來
襄郢垆澹余千里客城觀此孤停奄落西陵日餘
陰橫洞庭咸池行復奏倚待與誰聆
由橋頭驛至長沙

雜樹接行雲晨朝吐清氣遙望西峯頂已上丹霞

蔚遠山狀一同近嶺形千彙澗霧忽成陰巖蘿密
如衣冷風發空響幽愴多髣髴漸出深谷口始縱
秋泉沸湘帆轉昭曠途夷晝經緯遄往湊舟車趨
來孰涇渭物象倏以遷亭午待猶未緬憶獨居情
將毋狗俗畏

嶽麓寺兩巨松數月前風拔其一

萬林圍一嶺古寺仰白日客來亭午後峯陰落嶠
翠山巔長風起鼓盪四蕭瑟寒聲沈谿涯激轉久
未畢老僧寂來對坐石邈悽慄延登佛閣望清湘
隔林出雉堞帶洲斜帆檣轉雲疾此身偶南寄天
光正東溢新霜倏已零斑駁青林密殿角兩鬣松
風雨失儔匹惟有石間泉激泓總如一前賢杳無
見來者悵難必試將萬古懷移問金仙術

九日渡湘水

夜雨長沙郭餘陰被湘洲攬衣趨朝津朋好方維
舟微颺颯以生澹蕩向中流初日忽東上連山正
西浮葉落洞庭渚邈然江漢秋昭曠有餘景沈沒
靡前修涼風送陽雁空景弔陰蚪孤思安敢極良
會聊相求

詣嶽麓書院有述
夙秉宋賢說太息懷斯文矧近講席前遺趾播餘
芬湘東望湘西連山如陳雲亟渡入谷口空翠四
邊分築室倚崖巒開宇面巖垠當門古澗響環墉
高樹曛荒榛延暮色冷風交遠聞去之六百年垂
教志何勤藹彼援鷄手傷茲獲角麤吾生志不就
斯世邈無羣回艫天地晚空悵逝沅沅百里於
何長鐵瓦祠
寒雲飄烈風盤石壓其上後踵倚絕壁前趾踏驚

浪老松奮壑底長鬣仡相向結構託翠微丹青昔
何壯元武盛嚴衛髣髴動幽愴好從神霄淫迹自
宗藩創神理有誕欺人事閱興喪衡岳百里外隱
然出南望吾聞董鍊師玉顏故無恙解帶逝從茲
將入青霞訪

爲香芭兄題秋梅圖

梅花如幽士盛滿每不居澹泊向春風養氣故有
餘雨晴百日暖天葩還自舒八月風露冷金波滿
階除傾城矯獨立疑來霽雪初主人昨何往密箐
蠻獠廬伐畔安反側功豈崇誅鋤排斥蓐收氣獨
任春扶輿寒廳惻歸眼香影橫空疏借問花無心
何爲能待余君看同晚節芳情長宴如

隆興寺閣

烈風吹沙昏天低雪將至晡度滹沱水騎入隆興

寺結阿層欄轉崑閣當空企平當金像面下臨欲
無地伏聽驚飈響緩送飛鳥墜迴首諸天外蒼然
向幽冀自從隋唐來恆州幾鎮師轂縮太行口旌
麾委兒戲頗懷宋藝祖親攬六龍轡方釋晉陽圍
迴出土門騎山海近英盼渤碣在指臂圖暗隆準
顏堦存刻石記黃土蔽賢愚萬古一幽翳冥冥止
觀理漠漠浮生事何爲李匡威獨下登高淚

定州遇雪

夜出真定府已行一百里日晡人馬倦西風大無
比大聲長遶空沙石四面起竹輿轉人肩翻翻欲
見底偷眼望太行亂雲出其裏落日映其上昏黃
到山趾投憩道邊廟相對袖縮指面色纔一回計
程不可已入輿坐龜息下帷任所詣漸聞棲鴉聲
始知風稍止張燈到定州空庭月如水欲看雪浪

石城閉二更矣夜臥聲更寂寒光忽透紙不知何時雪茫茫没人履踏冰渡唐河隔岸朝曦啓

長椿寺觀明劉孝純太后畫像

辛卯年春同數客宣武門西登佛閣壞牖長椿寺裏來畫圖崇禎年間作仰瞻后像非副禕卻號菩薩佩瓔絡莊烈自初封信邸顧影摧心長已矣夢魂不識劉孝純外家顧見徐夫人法駕淒涼迎畫像髣髴平生真未真內宮已拓奉先殿外寺還修香火因當時圖像別有一供懸卻在瀛國室宗社竟至甲申年戚里都爲灰燼日太后門真忠孝存一朝畫與山河失不知寢殿託誰人惟有此圖長傍佛君不見前有九蓮菩薩容奉之乃在東嶽宮松楸石屋深陰雨神鬼虛檐交冷風興亡死後誰能必富貴生前迹已空罷歸二歎徑歸去澹澹青

天翔暮鴻書寶詠賦傳遊論聖幾客留召步與千
會試出闈作吾無掌笑合報一陳省信同良
季春入鎖闈上青芽未寸漸復槐枝暗鷓毆納鳩
遜滿堂皆彥英末座寄頑鈍朱紫目爲眩反覆心
亦困仰屋偶欠伸放筆才一飯單緒少黨親愚者
昧恩怨自任平生懷豈爲他人勸文室忽託想風
隄吹馬噴徒有遙山青隔城不自獻靜極遠囂來
髣髴雜裨販今朝始縱步妻孥迎問健坐看轉夏
陰掩戶散無悶

沈椒園按察晚芝亭圖

昔侍先伯居鄉邑四海賢人嘗語及清如冰雪沈
御史復有瓊瑤好篇什出持使節海岱間吹滿春
風開東溼生爲後輩見之難公至暮年名轉立即
君與鼎再世交尚書禮曹先後入每看鶴骨出人

羣輒想龍門趨父執京師昨竟到軒車謝客未嘗
容拜揖鼎也問疾就郎君語重行艱年七十傳將
畫照索題詩展冊欲書昨已泣卻思先伯年正同
曳杖歌先駒影急幅巾終冀一升堂白旄忽看翻
指隰從茲前輩彫零盡況復孤生塗路澀城邊執
手別郎君歸看畫圖仍在笈紫芝深谷自長生茅
屋秋風為誰葺惟有名德寄人間兩家後裔收文
集

王少林嵩高讀書圖

我初訪子在揚州天寒攜手王夢樓破窗鐙暗風
颼颼擁褐無伴聲伊優推闔徑入驚仰頭王君戲
子令子求指我君識是子不多君曾未一面謀道
我姓字能探喉王君撫掌笑合眸一朝省試同見
收無錫尚書賓館稠朝退論經幾客留召我與子

時從游王君先達居上頭我才於世真一鯁俯仰
郎署斑生影尚書零落今山邱王君放浪江湖舟
邈然罷郡歸幾秋笑我滯迹猶貪媮君如百鍊不
改鏐名在吏部將鳴騶偉建功業爲民休正當容
我狂不差少日讀書老壯猷回思故迹真雲浮夢
樓少林及鼎皆出秦文恭公之門而夢樓爲前輩

送沈觀察清任赴四川同知任

古槐連理陰初綠禮部後堂庭有槐連理明朝植
也我始逢君偕署牘春長風暖笑談餘身若停鸞
面如玉旄麾忽去暮堂空葉落霜初森似束使君
行部向窮山吏議藁輕俄折軸全家安否託江湖
罷俸如何飽饘粥君還京國足如蓬我老塵車耳
生木浮生託迹皆偶爾往事回頭嗟夢速喜君容
貌愈充然有道何嘗驚寵辱亦知傑士不長閒所

惜歡情猶未足竟作西南半刺官終起休明九州
牧小蠹沈黎兵欲銷大舖成都酒應熟不須別緒
道酸悽好與疲吐作膏沐

送張侍御敦均歸里

昔交湯緩叔信覩儒者傑好學老不衰養懷貞素
節自還江上廬奄忽喪明哲當時承學徒幾家誦
師說侍御獨尊聞前賢道未歇澹無才知競真抱
與衆別與君居連巷頗覺造請缺世外託知賞豈
必相見熱羣才方進用君子胡退列既往發遺經
繼學良可悅日月正遷流所憂變齒髮俛俯尚後
君豈不媿頑劣

甘泉宮瓦歌

漢家離宮渭南南北前俯終南插天色椽欒山北古
明庭盛夏凌兢寒不釋萬乘長安未足居迎風旣

立增儲胥年年避暑雲陽去儲侍千官趨道途紅
光翠氣相陵亂甲帳珠簾設霄漢美人鼓瑟待神
仙羽林拱衛行人歎弄兵戾子起觸瑟何羅來甘
泉見聞乃若此土木壯矣人危哉宮車卒別寒門
道薨宇雖存瞻可哀嗚呼況復狐兔穴零瓦當年
一膏血捨置耒耜作陶旒鞭笞畚揭升墀覓辛苦
前人匠作誰摩挲今日形樵別君不見林光旣秦
餘九成亦隨舊宗廟旣已夷惛心猶未究先王宮
室蔽風雨侈君土木衣文繡千窰已作向南山三
輔幾何不苑囿茅茨太樸固未能露臺不起甯非
厚陳屋三瓦戒居盈作室幾家貽肯構對此悲傷
千載心漢事已過良勿又

羅兩峯鬼趣圖

形役此勞生束縛日來往謂當返其真六氣同一

廣如何釋委形轉受拘物象匹若脫繭蛾翻飛挂
蛛網君看隙外光穿落窗中壤或方或橢圓橫斜
直曲枉游光倏忽暝茲形究安放萬象不可窮顛
倒由一想幻作三途業何異景罔兩畫師如說法
染筆興幽愴變狀悉呈露目覩非髣髴觀象轉得
空智者一反掌天人阿修羅一一超無上稽首證
導師茲義實非誦

萬壽寺松樹歌呈張祭酒

裕榮

萬壽寺有元朝松七株偃仰無一同五百餘年到
今植幾時變化風雨中我來頻見尚動色拏攫未
敢趨當中甲戌京華夏初及禮闈始散羣賢集翰
林邀客會城西寺門正帶朝暉入冥冥氣蓄雷霆
寒颯颯風搖露枝濕是時同輩八九人鼎也年纔
逾二十同披單衫跋輕履一時散向松間立風流

諸客皆好文當筵意氣陵青雲有松嘗經幾輩客
高論松前曾幾聞自從車馬寺外分十年一半爲
邱墳甲戌祭酒爲編修分校出邀同遊者張鏡壑
閣學涵暉助教馬牧儕舍人方午莊明府眉山孝
廉今皆歿矣嗚呼此地松猶在薄游曳杖僧窗外
萬里秋吹遼海空重陰晝塞西山隘獨聽颼颼恐
欲生況經搖落情先廢借問種松樹松樹何處無
吾邑最南境何止百萬株上枝搖蕩潛霍雲下根
磅礴松山湖往往中有宋元植榮枯蘿蔦騰颼颼
年少去之歸老夫何況不歸使松孤君不念男兒
莫待齒髮脫無情松樹始長活
不嚴侍讀長明散木菴集時嚴將南旋
風日一何佳初冬殊未冷高齋客來暮檐陽露露俄
頃小庭木盡脫蕭蕭散空影所貴人心閒適與物

候靜平生值數賢驟見良已幸招邀況一室行不
待造請主人無俗懷稍爲設蔬茗旣脫形骸累觀
醉不妨醒試思士多才奚啻木有癭苟得謝斧斤
何嫌寄幽屏所惜送將離屈指江路永曷以盡餘
情宵深燭猶秉

延祐元年江西鄉試石鼓賦卷題後

小賦八首蘇君書我初見之詹事錢坤一載篋短
檠風動日揩頻長卷夜寒手鈔怯延祐正當元運
中詔書初行貢舉法主司聘用行省書布衣名上
州縣牒十八路並集隆興第二場中題試帖至今
異日蹟還留想見同年心最愜當時鄧公主浙試
深裏吳生奏鄉捷聲名傳少惜終淪拔取雖多頗
非躡低徊千載岐陽鼓笑談一代慈恩塔文字貧
兒矜敝帚宇宙飄風吹落葉賦好誰人手可叉時

過幾日鬚當鐻童幼嘗爲揚子雲長大更思袁伯
業世間筆墨未能拋太息古人譏目睫

章華國課子圖

君居西郊我城裏同飲桐谿一谿水我行京國百
不歡惟見鄉閭來輒喜值君新著隴西績收縛窮
姦才折箠侍中贊引入金門 天子書名留玉几

出同鐙火倍欣然行異關河良久矣室家勞問到
髻羈歲月崢嶸看髮齒一經君已勝籛金四十余
才射蓬矢根柯羨說長豫章圖書更教看駮駟失
笑天吳紫鳳間那免任童蔣翁恥君行弩力快清
時身活千人家必起卻賦徐卿有二雛所愧衰遲
如子美

寄蘇園仲

蘇君信慕古閱世如有道蕩蕩胸臆間不知何者

好小心衆人內高視萬物表徒欲春馴雉而羞夜
撮蚤作吏見不能收身豈嫌早平城山後郡八月
衰塞草蠶狐祥一邱固由佳士少君往聊託居已
使陋俗矯日昨向汾陰南行就稷稻目病細書難
交疏吳語悄兒瘳苦憶翁女嫁已泣媪授館賴主
賢妻孥稍相保嗟我別君來仰見昏中昴千里懸
一心頻搖不可爪位置賢者生豈不在蒼昊正以
松柏姿不厭藜藿飽諸生朱游客數紙山公黜寄
聲問起居曷以終素抱

十一月十五日雪翁正三學士偕錢籜石詹
事辛楣學士登陶然亭回至鼎寓舍與程魚
門吏部曹來殷贊善吳白華侍讀陸耳山刑
部同飲至夜翁用東坡清虛堂韻作詩垂示
輒依奉和竝呈諸公

西山指海如龍蛇揚雲弄霧行衙衙九門陰靄塞
朝景雙闕明光開玉花羣公欲眺山半脊高閣上
出城千家皓空正對北風客斜陽忽送西林雅入
逢日至任京洛又見郊仗陳莖葩好景宜從客游
戲碎事厭聽人梳爬惜未聯鑣踏冷絮顧承枉轡
呼煎茶月階凍面行蟻盞雪地立奴垂馬搗漸至
中宵析三兩猶取前輩文稱嗟後來知更道今不
自記過眼看雲霞

為翁正三學士題東坡天際烏雲帖

東坡自謂字無法天巧繩墨何從施青霄碧海縱
游戲自中律度精毫釐嘗託西湖佳麗地仍記閒
情書小詩前人不見蔡君謨後人不識柯九思人
生翰墨細事耳古今相接良賴之學士新作蘇米
齋欲飽看字瘳朝饑此冊神妙尤所祕雲烟閱世

憐公癡今朝我更作公病斂冊向篋重手持日午
來看到昏黑兀兀不樂歸車馳學士平生妙臨本
試作嘗眩真鑒知請煩冰雪襟懷手再寫佳人絕
妙辭

三長物齋詩爲魚門吏部作

椒花吟舫學士朱十年種樹茲舊廬主人擁節江
山去遂使程侯來借居長身美髯眉鬢疏吟誦齋
中朝與晡窮病聲名五十載劣將文字調妻孥掃
除萬物無一須猶藏玄璧值連都咸亨舊碑北宋
搨同時一硯遺大蘇風流頗與前賢俱文力猶健
斑生鬚天地大矣偶相寄三物一身游有餘學士
江南昨寄書齋前修竹復何如春風欲展小庭綠
晴日涵空軒檻虛我亦長安一腐儒戲弄筆墨來
停車人間長物伴閑客正爾齋中不可無

送吳編修敬輿

吳侯自學道往往造淵靜不以宇宙廣而爲一塗
競桃李常不言儕類輒愛敬乃知君子器宜從大
夫政在朝量已優告歸韻尤勝名班三殿旁身逐
一帆正花落春水生天合松陵鏡或逢鄉曲人爭
席昧名姓刈草先人廬種松邱壠徑倏忽秋風生
相望北枝勁所恐竟脫屣杳與海鷗泳

董賢銀印歌

爲嚴東有作

渭南城郭都非故南對南山止陵墓書生嗜古寶
殘餘忘却興悲啓幽戶小篆鏤銀印紙紅土花新
洗到關東回頭秦嶺傷心碧袖裏金貂漢侍中

花朝雪集覃谿學士家歸作此詩

京師信人海時時遇賢哲事會一聚之倏復歧車
轍出動千百里入乃限禁闔遠近雖則殊容儀皆

邈絕獨茲五六人有職幸非熱從游頗最久盤學
遂屢設亦知天運旋終當有離別在目且欣然流
連詎能歇正如春未深坐賞花朝雪平生覬聞道
隨處知可悅清宵接嘉論有蒙固當發遂歸吟塵
窗耿未寒鐙滅

述懷二首

門有吳越士橋首自言賢束帶迎入座抗論崇古
先標舉文句間所守何彋彋誹鄙程與朱制行或
異旃漢唐勤箋疏用志誠精專星月豈不輝差異
白日懸世有宋大儒江海容百川道學一日廢乾
坤其毀焉寄語幼誦子偽論烏足傳

昔者先端恪實作虞廷士質對與神明非邀矜如
美一端或自咎中夜輒懲蹠當時網信疏奸滑亦
衰止

先朝忠厚統所垂良遠矣自是百年來法家常繼
軌刑官豈易爲乃及末小子顧念同形生安可欲
之死苟足禁暴虐用威非得已所慮稍刻深輕重
有失理文條豈無說人情或不爾不肖常淺識倉
卒署紙尾恐非平生心終坐再三起長揖向上官
秋風向田里

魏三藏菩提流支在胡相國第譯金剛經刻
石拓本

佛在祇樹園當時說此經須菩提跏前涕零復有
千二百五十人旁聽草堂寺盛秦姚興鳩摩羅什
天竺三僧譯諸經品中此經爲大乘後有菩提流支
來世言可埒羅什才侍中崔光爲執筆相國之第
爲之開別出譯本劉崔嵬自從西京亂震日旦人最
苦是時佛法興經律徧中土大慈無力拯橫流象

義猶能歆暴主其間暫廢太平真君年厥孫事佛
俄加虔廢者奉道希神仙復者詔媚求福田糜爛
戰鬪峻刑網窮飾寺廟開法筵太和以來旣南渡
洛陽伽藍起無數胡后宮闈不可言永甯佛圖功
最鉅後胡國珍前馮熙敬事釋門皆后父富貴已
極憂死生外戚無功謂神助譯經更薦國珍死作
福寧非太后故我聞佛法不可文字求廓然無聖
道最優天宮龍藏積萬卷紛紜律論誰窮摻其中
佛語魔語雜掃除皮毛見正法章句文義若爭巧
不二無言何處答君不見胡后起自姑爲尼死入
雙靈寺內棲其始以此終亦此妙義那知葱嶺西
河陰朝土埋碧血洛下宮闈生蒺藜祇有青山完
片石留傳絕域舍婆提崔光執筆事見三藏法師
傳此譯本云佛在舍婆提國

雲谷錢詹事座上觀沈石田畫檜歌

二百年中畫第一天趣橫流腕間出弟子尚作文
徵明先生自入董源室長卷大樹爲者難屈伸神
鬼開雲關忽移拔地風霆間紙上已作千年斑常
熟蕭梁七星檜七株今尚三株在一株橫空偃圓
蓋一株連遭雷火焚直幹依然挺靈怪海氣沈霾
古觀中行人太息虞山外徵君攜客游觀之自從
圖成復寫詩豈徒草木生顏色談笑風流皆可思
吾家乃在舒州住未過鎮江東一步曾聞此檜不
曾逢卻憶江帆建康路壬申之歲給事園往看六
朝之松樹長鬣上激虬龍鳴蜷身下作狻犀怒江
寒浪湧排風烟日落天空走雲霧此松此檜遙相
望神物而今松獨亡樵薪荆棘誰當念寂寞巖阿
亦可傷人間貴賤誠難測且展烟霞吐曾臆作畫

看山終此身富貴不以離其親已逢洪治昇平日
更作東吳偃臥人古樹江南春復春可憐輪轍盡
勞薪世間詩畫猶餘事令我長思真逸民
王舍人友亮坐看雲起圖

潛皖萬嶺江之西朝雲暮靄長升躋吾家乃在雲
中住出戶二里三里迷江上看山卓雲立略與吾
居平地齊吾嘗策杖更西上猿捷鳥逝非常蹊嶽
雲盛氣遠蒼合何所埋屐元封珪窮丹踰翠亂雲
墮其上點點才如鷺乃知大山宮小霍一邱軟草
平流谿不謂坐處已蘄絕但覺四面峯頭低雲生
石罅走一髮下作霹靂淙鳴哇繚繞連峯態萬出
咫尺晴日交陰霓暮宿僧菴光正白月橫露壑風
淒淒明晦朝暮看盡好惟有遠別無由攜君家看
雲昔黃海新居乃卜長干堤崇山到此勢已盡吐

氣猶是龍虎棲欲窮餘霞散綺色請登天闕攀雲
梯嗟余送子隔雲外獨憶秋山猿夜啼

士學 七夕集覃谿學士家觀祈巧圖或以爲唐張
萱筆也

驪山秋樹圍宮殿列屋同居異歡宴人人七夕望
牽牛歲歲秋風落團扇渭南渭北明河光張生腕
底風露涼定知紈袖停針後金井殞梧聽漏長玉
貌綺羅天寶末霜霰未深炎已奪宮中兒女爲情
死牆外書生籌國活燒燭披圖又一時夜深題作
女郎詩青天織月長如此巧拙人間那得知

今歲重九翁覃谿學士登法源寺閣作斲字
韻七言詩亦以屬鼎而未暇爲也學士屢用

其韻爲詩益奇臘月飲學士家出示所得宋
雕本施注蘇詩舊藏宋中丞家者欣賞無已

乃次重九詩韻

學士金石撿南朔攬異爲詩工刻斲閉門高興逸
如雲舒紙揮毫疾逾颯今秋九月金垂砌西嶺無
雲玉出璞霜寒勇上寺樓看風舞懸旛翩不卓成
詩淵海得驪珠欲和空倉饑雀啄茲晨招客爲看
書來似鴻傳飛撲撲雕鐫遠有嘉泰字收藏近與
商邱較蘇詩傳世幾千首高語去天真一握當年
獄案可悲傷他日注家還躊駁此編晚出施顧手
黨禁正解東南角後來補闕更何如虎賁雖在中
郎邈耽詩愛古皆結習計短衡長非大覺曾薄富
貴書何厚甘典衣裘襟可捉子瞻自是千載人學
士豈比無心學佳本與公吾亦欣叩門會辦來觀

數

用前韻贈朱竹君學士

嘗聞至德還其朔緣飾雕幾皆鏟斲忘情世患了
不驚絕勝爰居避災颺先生宿有超世量刮摩無
功完太璞出受使命寧熱內善誘諸生忘苦卓先
幾獨奏啓鴻文後學多聞承馘啄世人那悟駕雛
德纖兒枉作蚊虻撲卻思此地羣冠蓋昨歲春風
送重較僕時貢院從有司不見乘輅節在握默懷
鄉郡江淮上道樹未嘗忘六駮懸知按部方千里
曲若回文周四角傳聞山水頗流連復有篇章發
幽邈歸校中文亦復佳人道左遷原不覺最欣朋
好復尊前風月不須勞捕捉子長好奇餘一病枝
葉曷芟歸本學與君差近古人交苦語未嫌朋友
數

賞番圖爲李西華侍郎題

禹昔導川疏溝渠四載不及東南墟漫天漲海游

龍魚西界閩越東尾閩百島散處黑子如自漢不
屬王無諸 聖朝持載配地輿鄭氏世竊蠻島

居易不稽首朝殿除

仁皇在阼二紀餘天

戈南指皆薙鋤設立郡縣軌同車御史監郡法秦
初歲在困敦月在余臨川黃門受詔書南征輶傳
前建旟舉帆度海風帷祛宣恩諭德遍里廬是時
萬彙蒙煦噓啓之闢之其檉椹遶屋種竹及芭苴
枸榔餘甘椰楸欄四時青青百穀蔬流脂稻米有
餘糈轉市海內連籩篠吏治清靜絕詐狙因俗示
禮兩相於海風不復遷鷄鷓番人秉性豈異余與
民雜處毳并鯨春秋射獵山作陸篋帶束腰瞻耳
鑿身衣鹿皮弓箛箛沙魚登岸脫填淤距躍三百
如蟾蜍迹纏迹速升山岨舍矢麗龜及豪豬相聚
牽臂飲以醪好人怒獸或齟齬撫之有道難自紓

草薙禽獮豈義與使者治定靡紛紛拏乃命頒賞布
燕譽天清海宴風颺裾使者之幄面廣虛諸番部
衆從長胥相排壓背壓駞驢佩刀守將跪舉袪受
命分賜金帛練牽羊肩酒持巾帑旣賜拜舞歡情
攄蠻歌振股疑蚣蝮使者閱歲蓄未畚歸逾江淮
超青徐清廟重器升璠璵司空度地九澤瀦藐彼
外郡隣沮洳有番海上思欵獻道山延閣冊廣儲
公與羣儒聯珮琚春風思遠夢蘧蘧陳圖示客言
旣且遼哉古放龍蛇沮天子代來恩澤滑上褚中
褚賜衣袷黃屋之國少躊躇於今絕域覆腋肱魯
雞伏鵠如蜀雉此圖稽典宜寶寔乃知柔遠術不
疏草薙禽豈義與使者治定靡紛紛拏乃命頒賞布
燕譽天清海宴風颺裾使者之幄面廣虛諸番部
衆從長胥相排壓背壓駞驢佩刀守將跪舉袪受
命分賜金帛練牽羊肩酒持巾帑旣賜拜舞歡情
攄蠻歌振股疑蚣蝮使者閱歲蓄未畚歸逾江淮
超青徐清廟重器升璠璵司空度地九澤瀦藐彼
外郡隣沮洳有番海上思欵獻道山延閣冊廣儲
公與羣儒聯珮琚春風思遠夢蘧蘧陳圖示客言
旣且遼哉古放龍蛇沮天子代來恩澤滑上褚中
褚賜衣袷黃屋之國少躊躇於今絕域覆腋肱魯
雞伏鵠如蜀雉此圖稽典宜寶寔乃知柔遠術不
疏草薙禽豈義與使者治定靡紛紛拏乃命頒賞布

衣合篆秋草堂歌贈錢獻之

古文遭秦燒不存當時丞相篆獨尊登山刻石作

蝠匾頗取茂美異本根嗚呼秦人尚刻盞自茲書
亦含秋氣魯壁再傳蝌蚪書相傳竟斷衛伯儒世
競草隸篆益疏卓哉陽冰導二徐破碎都無保氏
義瑰奇獨繼秦人撫錢君晚出江海陬學篆欲溯
軒黃初草堂多秋懷用意亦何孤豈但用意孤筆
力不世出金壇王侍郎先朝篆第一濡毫未免先
著漆布置雖均生氣失錢君寫篆不擇筆冥合豪
釐未嘗溢乃知天巧工中微不似麤工常縛律君
家詹事今古人君與學古情益親詹事登朝三十
年大儒師保居虎門嘗見所作篆亦如儒者端拱
齊鞞紳況君年紀未三十老生相逢低首立家學
益承安可及明廷待君雖未入經術終當佐天子
挾筴那能歸下邑長安二月春風來草青欲出花
未開江湖夢遠春水白篆秋草堂安在哉門多問

字揚雄客聲振羣公賈誼才盛名雖好戒多取千古當推殊俗懷我今廢學苦多志願就諮君日百回他日張紘隔吳下苦將名篆憶裴哀

城南修禊詩

暮春正三日來會城南隅長川明若練其上源西湖下輪南海子草橋貫中途晝陰天多風楊柳密復疏草芽沙岸綠葦席縱橫舒面流坐中林默數同會徒長者二十五幼稚十人餘自從導此川種樹歲增株我來再修禊風景日可娛何況冠蓋衆前春尚不如是時

朝廷清在列多鉅儒清修好名節室不聞笙竽四海草野賢招徠盡于于相從抗論古薄游散其劬山陰雖可慕豈若
王都羣賢及古哲文藻復交敷鼎也最寡聞寬世容其愚頗減吏事責與使談詩書累從諸公後觀

覽物華初當有異世賢慨慕今茲無中筵既自幸
迴念顧鬱紆昔者孔氏門材孰非時須後先及疏
附所欲返唐虞如何浩歌人舍之風舞雩乃知士
有志聖人不與渝既乏經世略披褐宜田廬遼哉
千古會日月終不居夕陽散車馬長途眺廣虛屬
斯告後來慨焉或念諸

同會封身書一十五
對疏草裝
嶽下鱗南
暮春五三日
姚南
回出日
古當
字

容
公
本
各
報
千

惜抱軒詩集三

不古體四十首

新城道中書所見

大霧被野天爲遮海東遏不翔金雅寒威逼人斂
默息倏忽眼眩生奇花是時夾道萬凍木半生半
死交杈枒含靈孕氣作怪異纈如桃李冬揚葩蒼
龍立海負冰雪天女墮地紛珠珈黃帝此夜戰涿
鹿蚩尤肩髀埋谿衍三軍凱旋盡解甲亂挂林木
光明霞千形萬態未易究琮瑋忽墜當吾車發書
占策苦不得野老能說殊亦佳或云休徵備飯甕
糗載千億收禾麻或云此咎達官怕有鬼欲瞰高
明家從來休咎兩難定況何與此枯樹耶紅罍圍
坐別妻子敦宿起看聊矜夸虛榮幻象豈久據午
位已正陽輪加飢腸得食出戲語荒店凍壁題欵

斜日五更歸館以險惡幹食出錢請荒去臥寒望臨燒
 坐臥阜城作寄跋香帳每李令靈榮以家豈久難平
 積雪河間道初日弓高城單車十二月自此將何
 征僕昔弱冠歲始竊鄉曲名充賦自南來意氣頗
 縱橫謂當展微抱庶見康民吐行能苦陋薄疾疢
 復相嬰十年省閣內回首竟何成側聞太山谷往
 往仙人行雲霄晝下鹿東海遠騎鯨願言見見求道
 倘許傳其精披我故時裘浩歌出皇京旁觀擁千
 百拍手笑狂生

於朱子穎郡齋值仁和申改翁見示所作詩
 題贈一首

我昔少年百不求車舟載走殊方州短褐之衣飯
 不足胸探江漢千珠旒偶向人間結豪士擊筑和
 歌燕市秋自從通籍十年後意興直與庸人侔徑

辭五雲雙闕下欲攬青天滄海流故人剖符守東
嶽長髯忽對當風虬坐中賓友況英俊聞名往往
從交游嘉陵驛路劍關口君昔黃綬憂民憂一朝
解印歸不得西南漂泊猿獾愁是時朱君亦羈客
攜子登閣觀江涪萬里解散復會合并有百錦囊
壓轡荷君爲我盡傾出紅燭低看三白頭精金美
玉價在市鯨波蜃氣升成樓信知江山助雄麗使
我媿向平生揆擬將雪霽上日觀當爲故人十日
留高巖磨壁不敢寫盍借巨筆鑱天球文章道路
識老馬世事滄洲漂白鷗相看興極一迴首日月
往矣空悠悠

歲除日與子穎登日觀觀日出作歌

泰山到海五百里日觀東看直一指萬峯海上碧
沈沈象伏龍蹲呼不起夜半雲海浮巖空雪山滅

沒空雲中參旗正拂天門西雲漢卻跨滄海東海隅雲光一線動山如舞袖招長風使君長髯真虬龍我亦鶴骨撐青穹天風飄飄拂東向拄杖探出扶桑紅地底金輪幾及丈海右天雞纔一唱不知萬頃馮夷宮併作紅光上天使君昔者大峨眉堅冰磴滑乘如脂攀空極險才到頂夜看日出嘗如斯其下濛濛萬青嶺中道江水而東之孤臣羈迹自歎息中原有路歸無時此生忽忽俄在此故人偕君良共喜天以昌君畫與詩又使分符泰山址男兒自負喬嶽身胸有大海光明曠卽今同立岱宗頂豈復猶如世上人大地川原紛四下中天日月環雙循山海微茫一卷石雲烟變滅千朝昏馭氣終超萬物表東岱西峨復何論

續下孔撝約集石鼓殘文成詩

在昔成周造西土日出海隅皆奄撫同文遂光天子政異學敢施私智舞大蒐有禮朝金舄小雅餘篇鐫石鼓東遷孔子悼詩亡史有闕文吾尚睹用劉子駿說倨興暴國尚首功撥去古文焚一炬小篆從茲法丞相爰歷競言受車府援筆且便徒隸才立政安求周召侶雖然六體試古文尚有典刑存一縷魏晉以後述者稀科斗僅傳逮韓愈厥後推求鐘鼎文形響猜疑似聾瞽銘勒誰可迹却梁真僞奚能知岫螻獨留此鼓見周人猶似裔孫瞻鼻祖文士甲癸紛臆決強定成宣道文武斷文闕義那得知偉畫奇樵差可數一朝聯綴使完善墜玉零珠同貫組文王清廟固難晞急就凡將真下頰乃知翰林有奇智鍊石星躔如可補嘗疑秦篆一家學叔重雖精猶異古言之成理或近鑿有似

郢人書燭舉保氏本體益茫昧後賢傳說時舛午
日在𧈧中會意算背私公乃韓非語豈如石鼓堅
可信迺諺胡爲譏厥父說文算日且冥也從日在
𧈧中石鼓文从早不从日按說文載自芥至藟五
十三字大篆皆以从𧈧算固草名見詩安知非本
草名而假借以爲蚤算之算亦猶蚤之借蚤蝨也
以假借言之亦不必取日在𧈧中矣又說文公平
分也八猶背也韓非曰背私爲公石鼓公字下從
口不從厶亦不合背厶之說而說文載古文訟字
下正从口故知石鼓可信必以許氏所解六書義
難之則反失之矣說禮無徵傷杞宋崇舊有由敬
收尋嗟君好古如食跖快讀奇字嘗如吐益友多
聞求寡昧家法虛懷銘偃僂何當再發壁中書小
學源流勝張杜

題唐人關山行旅圖

亂山奔如濤急水高如山千山萬水不可度況有
倚天絕地之雄關終南東走洛與宛劍閣岷嶓天
最遠山頭日落關前晚青烟滿地黃雲返棧中馬
足躡重雲巖底車聲行絕坂後有輿從前建旄孤
騎席帽絲鞭操負擔汗頰賤且勞耳邊不斷風騷
騷猿鳥悲嘯兕虎嗥青楓密竹苦霧塞仰首始露
青天高林開地闊春陂綠商舶漁舸牽纜續嘉陵
江水下渝州愁聽巴人竹枝曲不道曲聲悲且說
含辭苦山頭十日九風雨君王腸斷爲零鈴行路
誰能不酸楚路草巖花秋復春關山猶有未歸人
丹青寫盡關山怨千古行人行不斷將身涉險豈
非愚不及田間藜藿飯或言男兒桑弧蓬矢射四
方那得日在妻孥旁樵夫隱士同一谷英雄賈客

偕征行士生各有志未易相評量亦有進退無不
可出亦非見居非藏蒼生自待命世者豈必棲棲
求異鄉蓋關山歎千古計入計不測錄良志劍豈

指指正月晦日期應宿同游浮山余往徧歷諸峯
舍宿而應宿不至遂宿會勝巖次日日至華嚴寺作
五水詩歸示應宿兼寄朱竹君學士

朝暉揚瀾渡明漪泛龍嵒舍艇杖筇入兩崖一道
甬石若垂天雲與地離跟踵立柱裊纖箭垂乳墜
擁腫長風流其隙飄搖殆將動初入浩笑廊題名

紛蟻螿昏泐閱一讀鼻磨日勞炯三曲既穿洞一
門俄出寵睥睨昔建矛搏鬪事呼詢中山信人傑
造迹拔砦勇浮雲失前功巨障有餘鞏徐中山破

浮山砦事見本傳今尚有陳氏所築砦門超登萬

壑上空宇散羣壅嘗聞此山木連峰覆鬱蒼陋僧

不知惜十八榼溫燠俯視惟壑谷青葱若箸籜上
有石攢羅象似豈寓侑江湖漫遠明峯稜點脩聳
是時春始和菜麥競刺壟佳人終不來逝鳥時企
撥天風警虛襟寒陰肅晝恐天池見纖鱗人言乃
龍種卻立不敢浴引手聊一捧浥水洗石蓮戲答
羣僊憑繞雲梯頗峻僧導使余踵右詣張公巖欲
乞餘鉛瀕夙聞九帶禪晰義啓愚懂異哉不二門
兼紹洞山統遠公本臨濟下嗣而受洞宗太陽和
尚記以授青公使遙嗣太陽今洞宗皆其後也我
登遠公石但見青草葦安得聞說法顛頂灌酪漣
日暝返龕閣中心獨悵懵青鐙熒石壁照佛兩臂
拱終夜風雨急環巖吐泉孔坐待朝暘洞果見先
瞳矐置案未盡餐僧雛來趣董西北舍舊歷東南
發新竦紫霞闕其隘穹蜷偃脩竦僧登余未上仙

牀危可悚最鉅金谷巖斑駁矗上湧赤玉挂彎環
青天受蟠擁巖竇立金容縱橫結梁拱其右闕石
室弁上竅若籠冬凝曜冰柱春雷墮乳桐有童試
擲爆訇殷坻隕隴其外沸石泉當戶三曲踴長谿
決兩隘霜鏹拔鞞琫轉入華巖寺高林墮鳥毳鯨
鏗震幽陰奚啻破蜩蝻遂穿巨竹徑上詰可師塚
婆娑芳桂陰趺坐遺廈愿借問張文端寧辭柱石
重蕭爾此淹留何如驚辱寵張文端有浮山十可
坐處桂下其一也有志嚮浮山自余始角鬣長序
仲孚詩銳思撥倥傯余有左仲孚浮渡詩序悲哉
吾仲孚奄已乘斐輶而吾二十年京洛仕闕茸翰
林持節來思余隔塵瑯嗟彼千里驥倏以短轍
至今壁上刻光晶照珠珙惜我先後迹與君不可
總此生逋世役幾如說桔拳孰慰獨游寂靈怪交

獻奉所恨未聞道仍將棄凡冗糞掃石壇隅終身
縛竹蒼遠道或見思作詩遺笑嗒

雜詩

誰植高原樹花葉相離披幽陰上蔽日野鳥中巢
之朝飛呼其友莫宿呼其兒豈不樂平生久託終
不移微霜變青綠涼風又先吹餘葉猶滿林颯颯
聲何悲四海諒云廣欲逝願衰哀獨食雖得飽不
如羣食飢一夕不相親百年安得知但冀藏弱羽
奚必棲高枝

挾瑟昔侍君中宵錯明燭芳尊前旣陳衆女皆列
幄不謂微且鄙過蒙君顧辱爲君起新聲竭才自
結束盼睐人心移曾無待終曲堂上有萬里薄帷
能蔽目親者巧有餘疏者拙不足欲逝不敢遠沈
吟就別屋秋風拂堦墀皎月如寒玉恐欲傳清光

爲人照幽獨
風林警
陽澤將被物
秣鷄乃先鳴
天運苟不通
密雲在西
郊哲人亦何爲
託與萬物遨
語默非有心
進退一
所遭嗟彼盛
名譁雖值禹
與堯不容蓬
艾間乃有
膾胥敖
握有荆山璧
不以易銀鏐
韶虞發高音
陽阿何足
謳高門擊鐘
磬尊爵缺獻
酬酒肉雖飫
人豪傑當
懷羞不聞弋
鸞皇披羽持
爲裘一朝毀
周鼎鑄作
棘與耨白首
不能言小子
方咿嚶願舍
中閨態君
當聽道周

步陟高巖巔
浮雲鬱如海
扶桑升圓日
眩曜生五
采宛虹首
幽恆江漢
控其尾氛霧
倏清澂島嶽
乃錯峙俯聽
深崢嶸空曲
巨聲起勃上
充元天下達
幽泉底倡始
羲黃前萬世
卒未止傾耳
魂九逝返

乃得宮徵獨抱虛音歸中心竊自喜寫曲欲遺誰
冀有伶倫耳

湖上作

江湖日夜上廣澤何瀾瀾青山隱其側白日漾其
裏竟日無檣帆鳧雁或孤起傾耳鳴籟間植立澹
何俟昔者水中央蓋有天下士豈忘濟物情審見
人與己名姓不可聞何況覲容止默默千載下悵
望辨茲理

平皋日將暮草舍面陂湖良禾被當門喬木列萬
株含綠泛幽光長風忽披敷水鳥雜岸禽異響如
相呼近玩旣蕭泐遠趣來虛無不知青冥外沈霞
杳何徂人生各有適豈論榮與枯倚立待暝月孰
云高興孤屬言寫自賞非欲遺吾徒

五泉暮行青山下宿田家作

江皋夕霧中初月寒津上雜樹轉蕭疏長風拂清
曠夙愛青山隅旣暝猶一望勢別列殊峰光沈藹
同嶂夜鳥寂還啼春澗幽逾壯人從草徑逢屋與
雲巖並感茲洵有情欣我久無恙場圃共披襟風
露頻開釀耽樂未渠央疏慵任遺謗

平泉 康熙間無爲州僧日修學死而其身不壞其
徒塗以金奉於所居三官廟舟過瞻之作詩
是身一塵垢與物孰爲親有迹與無象二者孰爲
真借問此比邱方其閱世辰杳乘六氣辨萬彙同
一鈞縱復隨化往存者猶日輪何爲累一蛻長託
茲川津萬劫一刹那久暫固已均不以去爲快不
以存爲珍見者自分別何足議至神連朝臥小艇
了不見異人躡屣謁導師默與扣淨因推測可與
否定知師不嗔出門縱鳴擄烟霧江泯泯

泊采石值沈南雷來爲姑孰山長夜話因贈
江山俯仰皆吾舊送我清風滿襟袖雙橈徑度大江
東南徼雲霞皆出岫高閣平臨日月輝傾巖下湧
金鐘奏空江遠影弔蒼茫幽谷寒聲生左右止疑
萬古謫仙人念我平生尋邂逅那知玉趾向姑溪
正挂蒲帆出杭秀開尊丈室寘盤飧燒燭深宵繼
窮晝小邑經師道自尊荒邨菜食容常瘠風搏秋
澤見鴻翔雷響春陂聞雉雒安有才如萬斛泉不
汲王明藏井甃明朝我欲攬鍾陵未獲爲君停宿
留祝君早起濟當時儻有音書寄巖竇

舟中望板子磯以南山勢甚奇因題長句

黃山天半卅六峰包含雲海蟠奇松忽乘風霧走
江岸橫入江心如臥龍風清霧霽水搖碧遠見初
日穿玲瓏煙鬟俯仰久未定玉圭角立誰爲宗十

年前再入春穀每下籃輿搯短筇楓丹照眼秋錦
亂茶香薰鼻春焙濃山中猶未識山好正坐一障
藏千重輕舸兀坐忽昂首有似故人天際逢凋零
綠鬢塵埃後借問青山好憶儂

田居

自我游人間嘗恐失情性負擔偶歸休鍵戶良多
幸外物解羈牽中田託觴詠既免五漿驚又謝四
簋敬乞醯常友直飲酒安用聖寡偶亦可懽多稼
況爲慶白雲與戶齊青山入檐映南榮就冬暄北
斗懸夜栖逝者諒弗居優哉復何競將老澹忘年
達生庶無病

題四更山吐月圖

環海世界中須彌光明隱蔽行兩規元夜穹蓋覆
四維清氣鼓動東南陲寒魄欲吐風先吹倒影滄

海升厓屨壹氣孔神中夜持仰首雲隙先見之或
來稽首問導師指端湧現圓若斯憶泝沅澧踰沙
羨洞庭下浸高樓危四更起坐星杓垂月生尚在
湘東涯半映湖面山蔽虧須臾天地成瑠璃夢遊
所到不可追惟有明月窺余帷

於子穎揚州使院見禹卿遂同游累日復連
舟上金山信宿焦山僧院作五言詩紀之

結友二紀前別離萬里外每恐終此生無復容交
會安知三故人一夕今相對綠鬢旣先凋行恐成
聾曠妻孥幸無恙幼穉盡成大兩君蓋神祐滇蜀
出萬隘僕也疾未平中朝謝傳輩舉目孰不改身
存心可碎那擇儒與佛有得差爲快旣攬淮南春
雕闌雜錦繪使者官事餘翩然動旌旆連舫指空
江但見天垂蓋駭嶂立陽赧受日騰光怪陰壑靄

如雲蒙龍奏悲籟陰陽有開闔一氣無遷代誰云
逝者多澄川故如帶舉觴醉馮夷布席臥驚汰聊
與平生心從容託江瀨

同王禹卿馮拙齋游八公洞循招隱寺歸

潤州山雄如戰馬駢飲江中尻未下長波漂盡百
興亡古淚登高誰不灑不知更有南山南壘嶂雲
關塞平野初穿幽谷琅玕入卻聽細竇珠璣瀉陰
陰鳥語萬朱櫻寂寂僧居十蘭若兩君梵行正清
修伴我蕭閒如結夏未須不一二問維摩風磬一聲
言自寡空階久坐袂生寒小嶂試登筇可捨更斟
虎跑甘如乳重過竹林青沒蹠豈徒公輩愛家山
我亦淹留爲白社江風吹面訝歸途還入喧聲攢
萬瓦

偕蔣春農舍人王元亭給事金時亭御史登

江鶴亭康山草堂

憶昔武功身不用南走江津作游弄江風海月四
天垂中有琵琶聲一縱清濁都忘身後名軒裳那
計當年重世間從此有康山二百餘年存屋棟江
君新葺作階墀千歲虬龍今始種每來故鶴羽如
輪縹緲雲霄思獨控揚州三面邗溝上中阜獨臨
天宇空風前帆影入城來天際斜陽低首送臺省
兩賢皆鷲鴟舍人文筆真苞鳳淮南芍藥落花時
記入層軒留玉鞵獨余不飲復無詩應媿主人開
馥甕

惠照寺分韻得自字

我昨山中居嘗愛林下寺每俟風雨休杖藤輒孤
至矧茲清郊外良朋逾三四道人晨啓闕涼蔭散
幽地墜萼點階稀高藤仰空遂壁埽唐相題宇拱

金人臂山鳥罷啼時風篁識聲自疇謂聞見間奄
忽忘深智身世苟無牽頻來坐寒翠

暑懷

乘化日行逝童稚固已然朝徂暮復改矧此將頽
年一室曠清暑桐蔭落疏懸涼飈倏西起和鳥鳴
階前飛雨遂飄颻墜葉亦聯翩適賞在須臾顧思
彌悵焉混成故無尾象帝詎有先悟彼空外旨汎
此世間緣夕陽忽西露倚檻聽悽蟬

潘惟勤弟兄有小園在城北當龍眠山口林
麓谿嶂蟠擁最爲可愛惟勤於松下作亭余

爲名之曰谷口亭

龍眠崖壑誠幽峭一往深如處窅奧卻來谷口快
平夷青嶂芙蓉開四照筋彊骨健易江山登涉平
生恃年少而今老矣欲閉門苦畏攬舟及輿轎城

闡徒步半里餘及此林巒已妍妙朋游獨往皆不
惡但欲雨晴途不淖朝暎尚及露濡灑晚日更看
山照曜況於松下落陰翳萬樹寂無山鵲噪夾谿
紅葉颯蕭蕭天際秋聲時一到農樵遇我不相顧
倚柱獨吟頭自掉世間多少東海生吾作井蛙君
勿笑

張印沙七丈得先職方亦園故址作逸園

吾邑青山圍四境小嶂城西庫亦勝昔吾先世籠
有之遂作兩園地相並其後閱姓凡幾家敗牖積
垣蓬滿徑新堂忽起闢荆榛舊木猶存覆陰暎百
年父老觀廢興舉觴競來爲地慶丈人健吏勇爲
國嘗抑豪彊沮姦倖餘才歸逸作茲園舉廢治荒
譬爲政賤子歸休一畝宮橫榻僅容搢塵柄每於
田野縱嬉游復荷鄉閭同愛敬霜風吹澹夕陽時

往聽僧庵打鍾磬開軒松竹復清疏解帶親交共
觴詠坐久時逢歸鳥斜飲罷仰看圓月正百歲如
輪那得知一日縱狂何足病老梅巖隙已含苞更
待雪香攀石磴

夏晝齋居

中庭榮夏木靄此南榮幽微風汎其陰好鳥鳴相
求乍聆已可怡移時復悠悠未知古與今此意有
遷不願言觀吾生託與萬物游園姑世非幾園
望道苦弗見安敢輕為言大哉天地化示人初不
煩物表時一遇忽又汨其源孤生千載後屬念祇
弗諠客從茅山來教我默自存服氣至萬息顧見
天地根多謝丈人意求生固有門警乎游恣睢何
為畜於樊

終日居樾戶披卷慰寂寥久坐生微涼不待輕紈

招上覽虞夏興下及衰亂朝耳目雖不接感歎自
蕭條舉首望中庭忽斂西陽驕喬木陰暮氣朱霞
灼穹霄檐昏已飛蝠林杪猶鳴蜩俯仰萬化中安
知盈與消

感冬

四運革成歲日月播陰陽萬化靡弗徂天地固有
常元陰蔽朝日堅冰嗣微霜俯仰偶一世思彼乘
雲翔旣無終與始焉用思羲皇願言從問道或爲
言其將

王叔明山水卷

大山如雲高蔽日小山如眉青入室千林過雨長
青葱大山小山瀑爭出低首見峰仰見水軒窗宛
此空巖裏此中有士無四鄰艸木猶涵太古春巖
花落盡春澗長遂有漁舟來問津居者旣無求來

者亦無意但見白雲倚蒼翠屋上寒雲流滿地山
風卒起漁舸歸澗石交鳴幽嶂閉借問何處有此
山豈非廬與霍盤互雲霄間哀猿思鳥不知路惆
悵王孫游不還眼底溪山止平遠嵐光深處飛禽
返開塗伐木吾無徒老夫那得凌絕巘昔聞趙承
旨作畫居吳興筆法晚授王氏甥授受有緒諒可
貴意匠不到天機生妙趣磅礴出域外承旨雖工
容未能我憐叔明擅此技丞相之宅才一至明祖
殺士夫何伎嗚呼翰墨祇作他人娛露才往往傷
其軀曷不避世深山居竟友麋鹿從樵漁衣冠姓
名世莫識結屋無能與畫圖

仇英明妃圖

明妃一出蕭關道玉顏不似當時好卻留青塚地
長春復有畫圖容不老漢官佩劍卒舉旗分布四

馬連尻雕毛端颯有風沙吹侍女頗具宮中儀中
有襜褕擁獨騎落日黃沙萬馬迹臨風翠袖雙蛾
眉欲到穹廬前幾許賢王迎跪廬兒語琵琶曲終
淚如雨佳人那必逢佳侶表餌生分漢帝憂容華
死作單于土遺事竟寧傳到今王昭有曲聲中琴
仇生豈亦能知音寫出別怨關山深正使夔州衰
杜老春風省識忽傷心

贈錢魯思

少日懷賢甘執御旣老猶思身一遇竭來二載皖
中居惟對龍山如可語城外拍空江水流雲中引
首時登樓東風忽有天涯客青艸生時吹泊舟裁
詩作字皆非俗意中正繼開元躅信古方能見性
情遺今誰得加榮辱世間口說何紛紛未知天意
於斯文鳳凰五色偶鳴和麒麟一角方超羣有才

如此誠難得田舍秃翁長語塞邀君風露月明中
坐歎玉英人莫識卻憶平生知子時侍郎舉族住
京師安昌弟子聞張樂謝傅家庭多詠詩樽前冠
蓋俄逾貴室內孤嫠今莫支門戶難留百年盛文
章要使千秋垂修名莫待榮華落白日終令奴隸
知頻來莎砌同清暑耽聽狂言亦未癡來三讀詩

唐伯虎赤壁圖

東坡居士賦有畫風月無窮瀉清快畫中有賦情
亦奇唐寅使筆能爾爲登高臨水秋氣悲山空夜
明木見枝憑虛欲望天涯處可似湘中瞻九疑九
疑山高湘水深重華不作哀至今青楓搖落幽竹
林湘君窈立風滿襟江如海若夜起會或有雲中
竽瑟音雲開月出天寥闊俛首悲風興大壑不見
帝子乘飛龍但有橫江之一鶴橫江鶴何裊裊蘇

子乘之去不回賢者挺生當世才重之九鼎輕塵埃
脫屣竟從赤松子賦懸日月何爲哉情往一樂復
一哀後六百歲余茲來曳杖江頭看山碧思得公
語從追陪請與圖中二客偕今夕何夕月當戶
霜落收潦面深渚涼風吹林蕩空宇作詩要公公
豈許

感衰

朱顏相娛嬉倏復爲老醜每見長童稚屢失故交

友生平免夭折得天諒已厚所志尚千百爲者才
八九終非力所及曷不歌鼓缶第恐日失足盡墮
平生守松檜晚彌榮所以異蒲柳脩短未足論請
勿喪吾有心與逝者寧道與存者壽重豈向以爲
二十送余伯扶重游武昌

好士如好山不容置几席好詩如好士每見輒增

益皖中山遠人士稀愛咏清辭長面壁余生才名
二十一年江關處處吟飄泊蕭條秋氣遠歸來落楓
未盡還爲客挾冊棲遲不療貧青山重過句仍新
往憑黃鶴山頭望江漢風流今幾人
西嶺斂斜規餘暉猶辨色暗牖此終日俛起釋書
策巡檐風蕭蕭墜葉動階石羣鴉得枝棲復起噪
林側萬物皆寓形何者爲主客追前信已愚探後
詎爲適舉首默無論寒月偶清夕

見禹卿題拙書後因寄

侍讀淨業真頭陀靜中萬象觀菴羅起攬風雲入
紙墨筆勢所向揚天戈金翅擘海作平地巨靈分
山流大河世人不悟三昧力將謂妙蹟回永和嗟
予弱腕縮春蚓索處陋巷藏泥蝸何緣手迹荷題

字皮薦價視蒼壁多憶昔風帆共投宿金山夜鼓
驚鳴鼉君呼起說微妙義履行巨浪穿烟蘿倚立
雲間天澹外長江蕩與空相摩三客恍知宿世在
千生了辦須臾過人間別離細事耳乘輪退轉憂
蹉跎子穎困臥已近死與子那得長委蛇一臂可
爲初祖斷三折豈屑張芝波快雨堂中想投筆仰
見圓月升墻阿江上一書通問訊翻湫倒海將如
何

答王生

古人曠不見生世惻愴多幸逢賢哲知交臂倏已
過鄉耆盛文行孟韓紹同科四海士仰流踵門肩
相摩嗟余生晚矣始冠費庭阿繼見曾幾時奄復
從虞歌所承得綫雷洪流逝江河況復久遺忘彭
領垂衰皤猶欲抱殘缺爲昔揚其波豈不愧謗聞

稍足異傳訛顧恨學非優身名一么麼時髦策策遠
驚高閔冠峨峨孰于藪澤下而爲焦朋羅坐是臥
蓬衡緘閉如蠹羸邈隔後來賢朱墨方研磨寫述
恐弗遂畢世埋蘋莎獨君不見見鄙每顧問無他投
卷逾束帛陳藉璋珪瑳見譽配懿古媿汗生顏醜
豈君擇取舍有願正衰頗睠茲牛下鐸尚俾雅樂
和廣地孰無材利欲爲之廟塵霑苟不興萬里曜
羲娥士爲千章林母爲附施蘿寒風發江潯危葉
隕庭柯一觴向風月願得相婆娑念子百里外弁
影篝鐙俄閨井歲苦饑併日塵生甗古甗卽俗鍋
字飢喉出金石植道爲嘉禾報詩而惡言耄嘉貺將
奈何

題張篁邨萬木奇峯圖

一峯掘起天當中撐住元氣開鴻濛左右闔闢兩

巨壑逕路各絕風雲通松風遠自雲中起搖蕩雲
光山色裏水交山斷置人家松響谿聲動窗几巖
高谷迴居無鄰松林有路無行人豈非高士嘗避
秦自此千載無問津又疑靈境與世隔乃是天地
神物之所珍我家龍眠東西望兩谷口每至夕陽
時嵐光紛照牖日月逝矣身今衰芒屨竟隔青崔
嵬卻尋圖中幽谷到窮處忽有數峯天際來張君
畫山最得古人妙俯視百年畫史皆塵埃人家收
得尺絹素屈指不數王麓臺何況林卉與翎羽擾
擾俗工何足取韓幹戴嵩堪障壁徐熙周昉遺兒
女落落平生山水情移將看畫亦眼明於今安得
張君死復生與余結茅共對青山青

翠岳不與財主與余益榮共健青山青

女蔡蔡平土山木前好餘香畫衣那陣致今安野

憂谷工回只短轉轉薄高樹對望翁照風却畫泉

野只餘素風許不幾王靈臺何張林再與吟味對

畫山景野古人披林際百半畫史皆壘與人寒郊

漢吟舞圖中幽谷怪讓氣忽有幾峯天獨來飛我

却嵐光似照翻日月誰與長今衰芒草亂意翻青峯

軒勝之極忽逢寒前那東西望兩谷口每至至文則

素自出地千薄無問事又幾靈氣與世翻以長天紙

高谷變風無轉怱林首強無計人豈非高士嘗推

米山吟裏水交山瀾置人家怱響溪聲瘦窗几幾

日參差空窺各驚風雲並怱風對自雲中味

中華民國 拾年拾月 贈送

國家圖書館



002447606

